

福建通志

錦旗拾壹册
共壹百册

福建孝義傳二十

清八

吳長楷字若木廩生順治初山寇陳得榮殘毀建陽順昌光澤諸縣長楷奉檄團練鄉勇保境衛民康熙十三年耿精忠反以書招之不從僞兵曹吳某長楷別族也忿其異已嗾其黨吳岳等詣於僞鎮府假牌徵餉誘之入城殺於縣治南鐘樓下一家死者數人並逮其兄清流縣教諭長熙斃於獄初長楷之出其弟長柱力止之不聽及遇害長柱逃免後從總兵饒某領兵復邵武爲逆黨要於路挾其目死

謝光惠字連若歲貢生母蔣病三年朝夕侍湯藥調飯食每夜焚香禱母病漸愈嘗董修學宮終事勤慎後官建安訓導

鄧鳳梧順治四年山寇蠡起賊繫鳳梧馬前加刃於頸令先導索山中富室鳳梧死弗從賊磔之一鄉免於難

吳拱德順治初鄰寇楊寶入界掠男婦九人其子與焉寇索贖拱德傾囊

持三十金請並贖九人寇憐其義許之令更益以十金拱德曰九人饑疲命懸須臾能再延一日夜乎請釋衆人以吾子質寇遣八人還再貸金往乃贖子歸

李君寵字朝佐家貧事母孝順治間山寇起舉家逃竄母有足疾不能行君寵乞憐人並舁之以走亂定里人爲之語曰文宗割股朝佐扛母文宗者君寵之祖也同里營卒蕭伯和亦以割股稱

高調鼎父母歿卜葬光澤廬墓三年爲山賊所掠忽夜半有神輒之走得免

黃綵字登縉以賈致富耿黨利綵厚貲遣兩騎以僞職餌之不受威以兵不屈其妻聞之急持刃出捍乃免

吳嗣昌字熾然耿藩之變捕丁壯從役贖者免嗣昌出金徧貸里人得以保全僞將劉英部卒掠順昌民婦二人藏嗣昌家嗣昌訪得其姓氏里居陰輸金於英釋之時劉英又掠順昌民婦匿於同里傅天奇家已而英遁

去天奇給以衣食訪其親屬還之

何廷鐘字洪聲少有膽略耿藩之亂土寇滋擾縣官諭鄉舉一人爲團練衆以廷鐘應廷鐘時年十五六因與衆約凡鄉人有授僞劄者悉焚之子弟暴於鄉者罪其父兄約束齊然後日集鄉之丁壯練習之衆皆懾服賊聞不敢入境西鄉邨落賴以安輯

龔振秀康熙十九年貢生先是順治間縣苦輸糧之役里甲輪值者輒破家振秀請於郡推官何棟改民解爲官解糧戶每石輸水腳銀一錢有奇民困以蘇

官禮卿康熙三十六年米價驟湧人多閉糴貧者不能舉火禮卿罄數年所積開倉徧賑須臾而盡四十六年復饑罄貲以濟

魏麟生字六輝監生自奉儉約而勇於濟人嘗捐修學宮復撥田租贍之康熙三十六年饑麟生減價平糴貧者貸給之子鳳來置義田以贍族人同里監生鄧傑諸生黃泰晃皆減價平糴饑者以濟

江會龍字雲門遭亂棄妻子以救父父得脫妻子亦免兄子海以恩貢赴選亂後不知所終遺一女在室會龍如已女嫁之

方啓元字育萬父正初爲縣刑房吏見獄囚纍纍不忍視遂棄而習賈每曰具甘旨以供親家雖貧不使父知道市間可喜可笑事以傳其歡妻王事舅亦甚謹一鄉皆稱爲方孝子有某素使酒慢其父一日大醉閱諸市衆莫能止或告之曰方孝子至遽遁歸同里吳齡奎善事母病以孝稱

張其樸字存素學生年十六從父客遊遇大水舟覆父子相失其樸涉水救父幾滅頂矣見者哀之刺舟以救父子俱得免雍正四年大疫兄弟七人半染疾不能起其樸躬侍湯藥數十晝夜不倦舉家得全樸亦無恙

江維城兄士達責同里吳某負吳病癆偶仆觸胸七日而死其家以殺人訟士達士達木訥不能辨將坐遣戍維城以兄未有子母老自首代戍乾隆元年赦還

張名標字御左乾隆丙辰舉人永定教諭以老告歸念貧士赴省試者艱

於資斧因倡議捐貲助之並勸同志者捐助置田以垂永久

以上道光舊志

黃岡字東壁邑諸生同里某斫其族山宰木族人亦斫某之山木以報訟于縣縣察其情不直某某實緣于郡郡以縣訛不平勘之岡父將爲獄首禍不測岡代父就繫陳宏謀撫閩平反之釋歸

知足齋文集

王一章字君恕母蚤卒繼母性嚴厲竭誠盡敬得其歡心居喪苦塊如禮梁莘字衡佐府學增生聘紀氏未娶而瞽紀氏之父母請退婚莘曰聘時未瞽而今瞽命也卒禮迎之

陳嘉謨字懿典有子十歲而殤妻勸買妾及妾至知其夫瞽以償官債且已有子嘉謨曰吾欲求子而可離人夫妻子母乎立遣歸不索其值後連舉二子鋒嵩皆庠生同里歲貢生李英字仲闇鄰某逋官債將鬻妻以償英斥已田代償之

王學謙老而貧嘗攜幼子入城憩危家渡拾遺金盈橐候之移晷失金者倉皇而至學謙稽其實還之其人析半爲謝弗受

鄧彬字彩臣少習賈歲赴京邸里人黃祖昆賈邊外賞折閱彬遺書勸其歸未行而死彬聞之曰傷哉祖昆家貧子幼其爲異域之鬼乎乃自京策單騎走歸化城歸其喪

以上道光舊志

王馨字兆弼少貧養親必珍饈止之弗已既壯棄詩書習賈家漸裕養益隆有弟久分異亦貧妻亡子幼仍與同居遂爲再娶婦且援例太學生弟疾病親自調護月餘未就枕而弟屢求異居不可已則析已之貲產以與弟誨督弟之子甚嚴然終不加捶以父鍾愛孫罰之率同跪木主前長歎略血嘗與人各出本金千兩合賈而折其半其人復取用三百後馨獨貸貲後賈贏至六千與其人平分之其人亡其子誣馨爲欺聞者不平而馨復與之金嘗賈江西有戚爲人行賈而私以主人金貸人者主人訟之避南昌馨駭其容問之贈以金後因事陰爲人中傷馨馨聞笑曰若人乃爲此耶

怡亭文集

朱圻字伯宏增生幼失恃事父及祖母以孝聞值修學宮捐貲近千金董

役幾十年不倦北溪漲阻行旅捐田租置義渡以濟同里貢生童瑾亦捐金六百修大成殿捐金三百建長春橋

龔榮瑞捐貲建家廟族人墳墓失祭埽者據譜搜諸叢莽中立碑以示其後同里貢生余明焰字懷光所居近宋儒何兌故里兌墓爲人所侵明焰爲詩弔之何氏子孫據以訟官因得修復

傅穹職員葺祖廟置祭田嘉慶十二年縣學宮傾圯穹捐百金以爲倡縣中鄉會士子賓興常苦不足穹復倡捐三百金以助之念同族及鄉里子弟無力就學捐三千五百餘金創建義塾又捐租一百五十石以充費道光五年饑邀同志者往鄰省告糴減價平糴子國英復增建義塾以待來學者

李龍見平時以忠厚訓其家歲暮分命子姪徵負於鄉以畢收告則曰爾能則能矣獨不留少許使渠度歲耶人皆以爲長者

以上道光舊志

黃璉字惠萬以諸生援例縣丞同里李錫鬯泰寧朱式鑾先後病京邸二

人故貧無僕從湯藥卧起皆躋躬之死爲勸其殮而朱病咯血不能伏牀
席竟枕躋手而絕明年之官湖北卒護二喪附糧艘歸然後行

抑快軒文

集 以上邵武

饒世淳字景熙諸生順治三年江右賊寇杉關守將宵遁賊遂長驅薄城
知縣謝申之率鄉勇禦之馬鞍亭世淳荷戈同往勸衆死戰衆潰被擒令
跪淳曰我堂堂秀才而跪賊耶遂被害年二十三

龔貴巽字首元順治五年曹寇三十六營據險爲巢聞貴巽名逼致之授
以僞劄貴巽夜奔入郡請發兵殲之身爲鄉導奮勇先登擒其渠事平郡
守題其門曰義士

黃正標字伯準順治五年寇擾邑值兵燹之餘丁少田荒稅額未減徵徭
騷然正標條利弊數千言達諸當事由是蠲荒徵熟之令下九年寇復訐
親故流離正標家無擔石輒約已以周之甲午舉順天鄉試授青城知縣
未任卒

李品奇字平仲諸生順治七年張寇蹂躪七都品奇出避道遇二賊醉呼使搔背品奇曰我秀才肯爲爾狂賊作奴隸耶賊怒叱曰豎儒安敢爾鞭之令跪終不屈乃殺之臨刃罵曰使酒賊我必爲厲鬼殺爾賊首聞而壯之斂其尸且曰秀才豈爲厲者顧李秀才烈士也不可宥其仇以養禍縛二賊跪品奇柩前飲之酒而殺之

上官臨字以莊順治十一年拔貢生縣自順治五年經寇亂後田荒賦懸蠲免之議屢上不報臨與諸生陳大雅叩行省題請減徵費無所出因貸藩三千餘金以應比藩卒至而里民貧不能償臨罄產償三之二大雅至鬻產賣妾以應之大雅字穆皇明季曾爲賊所脅不從臨子銓字式如康熙四十四年歲貢生讀書過目成誦殫力於詩古文別業時竹數千竿自號竹園子時舉山林隱逸文行兼優之士府縣皆以銓應不赴縣自耿寇後義學久廢知縣某捐俸倡建屬銓經營銓出已田數十畝以佐膏火後補甌寧學訓導銓曾孫瑗字殷尚歲貢生有鄰人侵其居舊址起屋諸子

以告瑗曰吾屋且終不爲我有奚校爲父墓在城南三里許每徘徊松楸間及暮而返以爲常

毛錦生有膂力膽略過人康熙十三年耿精忠反其黨蹂躪邑中大府親臨勦撫以錦生爲北鄉練總一日獨行遇賊數百人賊不知爲錦生也縛之野廟柱上賊飲酒醉卧錦生齧縛盡殺賊而去賊相戒避錦生時有不怕官兵千千萬只怕練總一個毛之謠賊因掠旁村旁村人問計於錦生錦生令聚薪具飲食縱婦人與賊雜坐酣飲俟賊醉卧縱火焚之盡死賊恨甚密設伏於雲際關誘錦生出戰錦生殺賊三人伏發被擒碎尸死之黃瓚字君式諸生康熙十三年耿藩之變抽兵刮餉瓚竄匿山中大兵克復北鄉餘孽竊發搜山得瓚怒罵不屈死

黃忠性剛直然諾不欺十九年山寇猝至不屈被害

鄧漢公耿藩之變與鄉中數十人避難山中爲賊所執漢公以大義說賊黨皆得脫是冬偕族人數十家避難於瀘溪大閣巖復爲賊所困將屠之

漢公乃變姓名易衣冠詭得賊牌以給賊賊遂引去同時廩生李梅字百占父日宣爲賊所掠梅奔懇父病且弱願以身代賊遂釋父驅梅至寨堵掠備至後得間脫歸與弟友愛財產公之壘聯枯字其暉少孤母弟俱遭掠聯枯挾貲徧訪至蘇州與母遇贖還復出訪弟得之周尙德字懋功弟年十四爲賊掠尙德奔赴賊所願以身代賊釋弟脅尙德去賊平始歸弟歿撫孤成立邱大順號易堂耿變勒報鄉飲不屈兄弟同饗食指數十人
人謹持管鑰毫無所私

陳蘊先康熙十三年山寇竊發蘊先在外聞寇將屠其里急馳歸徧村巷大呼寇至西溪人獲免寇無所得掠而東蘊先家溪東與賊遇鬪不勝遇害其妻見蘊先死持刀殺二賊亦被害鄉人奉其主於溪西神廟歲時祭祀同時曾光遠父爲寇執與兄宏甫挾貲往贖光遠恐禍及兄令兄先歸自抵賊巢貲不足不釋光遠爭以身代賊繫其手足乘月夜防守者懈父子俱逸歸以其事鳴諸官盡殲賊黨曾應登弟應和被寇擄二十餘年應

澄崎嶇徧訪始得歸以已產均之有盜其園果池魚者避之人問故澄曰
失物事小損人名節將何以堪陳平川兒子亦爲賊掠平川傾橐以贖育
之如子及長以已產授之使奉兄祀

危崢字虬伯監生母病目醫治勿效遂專攻醫家言凡七年母目復明友
愛二弟無間言北鄉黃某貧甚將鬻妻崢傾囊贈之

饒東字魯山康熙間拔貢生補教習以父老辭歸養改授教諭歲大饑有
邱危二姓將嫁妻以全養東聞以所得束修爲贈

黃宗憲字紹徵諸生里有貧欲嫁妻者贈錢止之族人無妻者助其娶無
子者續其後立無碑之墓設無祀之祭歲荒貴糴賤糶以調鄉里

蔡旭初與張端甫鄰居家甚貧端甫身孤子幼蓄有數千金值耿亂端甫
將挈子他避乃以金密囑旭初藏焉而其子未之知也端甫卒旭初往弔
歸其金封識如舊又同邑黃未家貧販鹽得途人黃時愛遺金還之

何斌字登水諸生幼失怙恃哀毀如成人康熙三十六年歲大侵斌出來

數百斛以賑復計口給種益之錢穀以補不足族人無嗣者爲立繼孤幼者經理其家而任其婚娶里有鬻妻者周銀米以完聚之及卒鄉人建祠雙門亭子五以錚字雲書由廩生授長汀學訓導康熙五十年大饑設粥以食饑者複製衣以甦凍者倣朱子社倉法於邑之二都每歲積穀四百石爲母所收子穀擇鄉耆董之貯以備荒又捐薪資田以資貧儒一鄉賴之以鎮字雲遠增貢生乾隆五年饑捐穀三千石建廩貯之學宮將圯衆議葺之而難其貲以鎮獨任之以銑字雲晶與人無競母病授金二百人莫之知母歿託遺命以散戚屬旣葬廬墓三年雍正四年饑賑穀二百石又捐田租五十石分給鄉試者斌族曾孫長韶字永諧性樂易宗支親屬傾貲周濟不吝

王懷濟字振北歲饑竭所藏以給戚黨復歲出所儲春則平糶夏則賑貸黃文模字啓烈妻吳生二子而卒文模年二十五誓不再娶與弟文楷竭力養母

郭任字斯覺府學廩生母瞽斯覺涉四方求醫療治不效常以舌舐之三載復明

李克明家貧父病思肉不得乃割其股暈絕復甦烹以餉父父病痊何以烈字肇揚嘗倣朱子家禮建四親祠於堂之左五祀祠於堂之右立規條嚴禁約勒以爲家法俗狃於厚嫁病之者因溺女烈著好生錄勸戒之風漸熄

何思安字再安監生舅氏廩生黃璣無子有匭租數十石及卒思安託璣命以其田分撥杭川書院及大阪渡病革遺命諸子捐田租五十石入學人頌其惠

李復悅字銘中少孤事母以孝聞乾隆三年以副貢入國子監授州判在京寓主婦少寡夜奔其室拒之翼日辭去子朝梅年十七誤聞父凶耗隻身走京師而父故無恙

張玫字殷器世居北鄉人鮮知學玫獨課子讀書又建鄉塾於月山使鄉

中子弟學焉由是羣知慕效以講學爲榮俗多火葬致助其貲使勿火俗因以變子翼勦乾隆癸酉舉人任永春州學正遷淇縣知縣

龔周德字懷仁龔氏先無族祠周德首捐金三千建之復捐租十八石以供祭祀自支祖以下各捐祀田有差歲歉減價平糶米不給復買以濟子懋乾隆乙卯舉人孫文煥文炳文輝先後成進士

何長聚字煥奎號鑫園援例候選知府性篤摯幼失怙哀毀如成人嫡母黃早卒常以不逮事爲憾慈母張生母李在堂侍奉惟謹張氏病躬調湯藥時訊疾苦及卒慘怛哀戚若不自勝邑溺女風甚於他邑作戒溺歌以勸收養遺嬰垂十年計得嬰百五十餘口復又倡建育嬰堂竭力經理三年始成活嬰無算溺女風息歲禮勸殷戶平糶并貸銀四出購米以濟先傾藏穀爲倡節家人食以食餓者全活甚衆捐穀五百石倡設義倉於鄉閭邑效之利賴尤廣置族中祭田學田科資田年收穀爲祀先讀書應試費訓家人以禮撫族衆均有恩誼祖母外家式微資以田並金俾得延祀

鄰某失業將鬻婦贈以貲使營生夫婦因得完聚撈河干覆舟尸捐槥以
瘞修文廟建杭川書院修理縣署及東西大橋鎮鎮浮橋均捐貲襄事生
平篤於實學事同邑高澍然二十年益敦踐履著有蠡園詩文集及樂事
錄義倉序音學管見若干卷

以上道光舊志

黃元凱字崑明兄弟五人元凱居四父母卒有匱在元凱所啓視得銀三
百兩元凱曰此父遺金也亟召兄弟分之人有以僞銀償者既覺曰留此
病人而賊已亟棄之

萬棟字翹楚諸生父元隆購縣役某屋某沒其直而不償屋趣之則嗾其
父仰藥死以歐斃誣元隆知縣不察抵以法時棟年十四匍匐號父冤不
得直遂與父爭承因並繫獄尋以棟年幼釋之歸獄於父論絞棟情急要
大吏於道陳訴前驅鞭箠雨集不去大吏察其狀納其辭於時棟往來奔
救已三年矣明年大吏檄府按覆役斃於雷而元隆得昭雪棟遂奉父以
歸